

近代中國史料叢刊續編第八十八輯
沈雲龍主編

皇朝政典類纂
沈席裕徐福輯

錢幣

文海出版社
有限公司
印行

皇朝政典類纂

皇朝政典類纂卷五十八

錢幣一

錢法制錢品式

凡錢圓徑十分寸之八周廓而方其內面文曰通寶冠以年號繫文著其局之名爲凡備巾廷曰樣錢行於天下曰制錢樣錢百其重一斤制錢得樣錢四之三普爾錢亦如之藏錢大小權以行大錢十其重一兩小錢半之會典

凡鑄錢十分其劑銅六鉛四以鑄樣錢百分其劑銅五十有四鉛四十有六以鑄制錢純銅以鑄普爾錢惟藏錢鑄以銀爲會典

一鼓鑄制錢一面鑄年號用漢文一面鑄局名用清文寶泉局鑄寶泉字工部寶源局鑄寶源字直省皆用寶字爲首次用各本省一字直隸爲寶直山西爲寶晉江蘇爲寶蘇江西爲寶昌福建爲寶福浙江爲寶浙湖北爲寶武湖南爲寶南陝西爲寶陝四川爲寶川廣東爲寶廣廣西爲寶桂雲南一局一爲寶雲一爲寶東貴州二局皆爲寶黔伊寧爲寶伊凡錢文輕重係鑄供內廷用者重一錢六分京外及伊犁各局重一錢二分均不得各違其式各省鑄錢責成該管官按季造報歲底奏銷如京外各局所鑄有輕重及磨鏽不精並鑄造遲延愆期者皆予議處

一鼓鑄應配銅鉛成數寶泉局鑄供內廷錢文以紅銅六成白鉛四成搭配京局鼓鑄每鑄銅鉛百觔內配用銅五十四觔白鉛四十二觔十二兩黑鉛三觔四兩三色鼓鑄至用金釵廠低銅鼓鑄之江蘇江西浙

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



江福建廣東廣西湖北湖南陝西九省毋庸配鑄黑鉛將所配黑鉛按額加配白鉛鼓鑄其全用商辦洋銅之直隸山西二省及本省出產黑鉛之雲南貴州四川等省鼓鑄錢文均照京局之例一體配鑄

一鼓鑄應除折耗每鑄銅鉛百觔報銷折耗九觔寶泉寶直寶晉寶蘇寶昌寶福寶浙寶陝寶川寶雲寶東寶黔等局於百觔內除耗九十一觔分兩核收錢文寶武寶南寶廣寶桂等局於百觔外除耗每發一百

九觔按百觔分兩核收錢文外耗錢文不准再加折耗 直隸寶直局五爐四十八卯按一歲十二月每月四卯報銷不另計閏每卯除耗淨鑄銅鉛九千三百六十觔報鑄錢一千二百四十八串補串繩分兩錢一

串八百五十五文又每歲正鑄之未加鑄淨銅鉛五千七百二十觔報鑄錢七百六十二串六百六十六文補串繩分兩錢一串一百三十三文有奇 江蘇寶蘇局十六爐二十八卯每月額鑄兩卯四季加鑄四卯

遇閏另行加鑄每卯除耗淨鑄銅鉛二萬九千九百五十二觔報鑄錢三千九百九十三串六百文補串繩分兩錢五串七百五十九文有奇 江西寶昌局六爐二十四卯遇閏加鑄二卯每卯除耗淨鑄銅鉛一萬

三千一百四觔報鑄錢一千七百四十七串二百文補串繩分兩錢四千三百八十三文零 福建寶福局四爐三十六卯遇閏加鑄二卯每卯除耗淨鑄銅鉛九千觔報鑄六十秤錢一千二百串 每秤該錢二十串

浙江寶浙局十爐一歲除耗淨鑄銅鉛九十七萬二千觔報鑄六千四百八十秤錢一十二萬九千六百串 每秤該錢二十串遇閏加鑄錢五百四十秤 湖北寶武局十爐二十一卯一尾每卯除耗淨鑄銅鉛三

萬觔報鑄錢四十二串每串補串繩分兩錢五文 陝西寶陝局二十爐正鑄二十四卯一月兩卯遇閏增卯小建當日每卯除耗淨鑄銅鉛二萬七千三百觔正鑄錢三千六百四十串又每卯帶鑄淨銅鉛二千二百

五十九觔一兩二錢帶鑄錢三百一串二百十文按卯帶鑄不扣小建 四川寶川局四十爐每歲連閩扣
除小建六日修爐十二日歲按三百四十二日除耗淨鑄銅鉛一百萬八千三百五十二觔十二兩八錢正
鑄錢一十三萬四千四百四十七串四十文又每歲帶鑄淨銅鉛八萬三千六百四十七觔三兩二錢帶鑄
錢一萬一千一百五十二串九百六十文又加鑄四卯每卯除耗淨鑄銅鉛八萬四千二十九觔六兩四錢
正鑄錢一萬一千二百三串九百二十文又每卯帶鑄淨銅鉛六千九百七十觔九兩六錢帶鑄錢九百二
十九串四百十三文有奇 廣東寶廣局六爐三十六卯遇閏加鑄三卯每卯除耗淨鑄銅鉛七千二百觔
報鑄錢九百六十串 廣西寶桂局設爐五座每月鑄三卯每爐每卯除耗淨鑄銅鉛一千觔鑄錢一百
三十三串三百三十三文一年三十六卯遇閏加鑄二卯每年十二個月共鑄制錢二萬四千串 雲南寶
雲寶東二局設爐三十八座寶雲局二十八爐寶東局十爐正鑄三十六卯遇閏加鑄三卯隨正帶鑄三十
六卯鑄正鑄十分之一附鑄外耗三十六卯每爐每正卯除耗淨鑄銅鉛七百八十觔鑄錢一百四串帶鑄
每爐每卯除耗淨鑄銅鉛七十八觔鑄錢十串四百文外耗每爐每卯鑄銅鉛七十七觔有奇例不折耗鑄
錢一十串二百八十五文有奇 貴州寶黔二局設爐二十座省城局十五爐大定局五爐每年正鑄三十
六卯隨正帶鑄三十六卯鑄正鑄十分之一附鑄外耗三十六卯均自嘉慶二十年卯額為始用高銅白鉛
黑鉛三色配鑄正鑄每爐每正卯除耗淨鑄銅鉛七百八十觔鑄錢一百四串帶鑄每爐每卯除耗淨鑄銅
鉛七十八觔鑄錢十串四百文外耗每爐每卯鑄銅鉛七十七觔有奇例不折耗鑄錢一十串二百八十五
文有奇 伊犁寶伊局二爐每年正餘二項共鑄錢一千一百二十二串文原額一千二百串文俟將來獲

銅旺盛時酌量加鑄

一寶泉局每年七十二卯每百筋用銅五十四筋白鉛四十二筋十二兩每銅百筋例給耗銅八筋每配銅五十四筋應加耗銅四筋五兩一錢二分應除白鉛四筋五兩一錢二分黑鉛三筋四兩每卯用銅五萬九千九百八十六筋四兩五錢七分一釐白鉛三萬九千五百二十八筋黑鉛三千三百四十二筋十三兩七錢一分三釐每卯用銅鉛十萬二千八百五十七筋二兩二錢八分五釐有奇每配銅鉛百筋折耗九筋共折耗銅鉛九千二百五十七筋二兩二錢八分五釐每卯除折耗外淨銅鉛九萬三千六百筋每錢一文鑄重一錢二分共鑄錢一萬二千四百八十串七十二卯共用銅四百三十一萬九千十二筋九兩一錢二分二釐共用白鉛二百八十四萬六千十六筋共用黑鉛二十四萬六百八十五筋十一兩三錢三分六釐共用銅鉛七百四十萬五千七百七十四筋四兩四錢四分八釐內除折耗銅鉛六十六萬六千五百十四筋四兩四錢四分八釐實鑄銅鉛六百七十三萬九千二百筋共鑄錢八十九萬九千八百五十六串仍將每年鑄出錢文以及用過銅鉛各數目按年造冊題銷遇閏加鑄四卯庫底儲供內廷錢文發爐附卯搭鑄不另計工料除耗淨鑄銅鉛每萬筋報銷錢一千串

一山西寶晉局四爐一十二卯每卯除耗淨鑄銅鉛一萬九百二十筋報鑄錢一千四百五十六串

一湖南寶南局十爐三十六卯每爐每卯除耗淨鑄銅鉛一千筋報鑄錢一百三十三串二百三十三文三毫補學經分兩錢一百五十七文

一江蘇寶蘇局鼓鑄錢文銅六鉛四配鑄每銅百觔用洋銅六成高洪銅一成金釵廠低銅三成仍將配用洋銅高低銅觔各數目按年造入鼓鑄奏銷冊內送部查核

一鑄伊局鼓鑄錢文因白鉛一項買運維艱應仍照原議每文鑄重一錢二分內用紅銅八分四釐黑鉛三分四釐八毫點錫一釐二毫配鑄毋庸照京局之例配用白鉛以上並戶部則例

天命元年鑄天命通寶錢丙辰春正月諸貝勒等具表上 太祖尊號曰覆育列國英明皇帝建元天命尋開局鑄錢二品依古九府圖法制之輪郭外周錢面作字陽起一爲國書滿文一漢字曰天命通寶其滿文一品錢質較大通考

天聰元年鑄天聰通寶錢時 太宗文皇帝御極改元天聰亦鑄錢二品一爲滿文一漢字曰天聰通寶大小各如舊制通考

順治元年戶部寶泉局工部寶源局鑄順治通寶錢通考 詳京師錢局

二年定錢制每文重一錢二分先是工部侍郎葉初春以制錢每七文準銀一分錢價日增民未稱便請頒鑄當五當二錢以便民用不允至是戶部議言錢文尙輕應更鑄制每文重一錢書爲一錢二分凡七文準銀一分釐錢以十四文準銀一分官以此徵收民以此輸納聽便行使從之通考

八年增定錢制每文重一錢二分五釐戶部議言錢爲國寶務厚且大治定制每文重一錢繼重一錢二分猶嫌其輕應每文改鑄重一錢二分五釐仍照定制以每錢百文準銀一錢從之通考

十年鑄一釐字錢九卿等會議疏通錢法奏言鑄錢務照定式每文重一錢二分五釐錢背之左增鑄漢文一

鑄二字其右戶部鑄戶字工部鑄工字如江南江西浙江福建湖南山東山西陝西省城及密雲宣府陽和瀋清等鎮並鑄開局地方一字須極精工鑄不合式者參究每千文准銀一兩其見行舊時制錢原有高低厚薄不等難以強齊一切貿易應暫從民便至直省錢法實成右布政使專督稽查奉 上諭錢法難行皆因鑄造不精所致見今官錢該部酌減爐座務精工如式背添一釐二字上下通行聞向來官爐夾帶私鑄尤為病國犯者以枉法贓論罪其私鑄奸民不時嚴緝若仍違犯並地方官究處餘悉如議行通考

十四年題准寶泉局鑄錢改重一錢四分會典事例

上諭錢法無弊莫若鼓鑄歸一令各省鑄錢一概停止獨留京局比舊錢體質更加闊厚每文重一錢四分鑄精工兼用滿漢字一面鑄順治通寶四漢字一面鑄寶泉二滿字俾私錢難於偽作通典

十六年議收毀舊鑄無一釐字制錢先是順治十年於錢背鑄一釐二字其舊行無一釐字錢暫從民便十四年復定錢文兼用滿字其舊錢俟三年後盡行銷毀至是以三年限滿戶部議言見在各局滿漢文新錢鑄造尚少其一釐字錢暫令展限行使請先收買十年以前無一釐字舊錢每筋給直七分交局銷毀改鑄從之

謹按順治年間錢式屢經隨時更定有錢幕未鑄字者蓋 太祖高皇帝始鑄天命錢一而有字一面無字太宗文皇帝天聰錢亦然前明時錢幕亦多不鑄字國初尚仍其制嗣後有鑄漢文戶工字及各省鎮地名一字於錢幕之上或於錢幕之右者皆順治十年以前之制自十年七月增鑄一釐字與戶工及各省鎮一字左右分列十四年改定京局錢幕鑄二滿字十七年復開各省錢局令鑄本地方一字兼用滿漢文而十年以前之舊錢及十四年以前之一釐字錢迭經先後發價收買銷毀更鑄故流行者少至雍正元年始定各省局錢

亦照京局之例以新字爲首次鑄本地方一字皆用滿文至今遵行通考

康熙元年頒行康熙通寶錢先是順治十八年八月戶工二部以 聖祖仁皇帝御極定於明年改元康熙請將寶泉寶源二局錢改鑄康熙通寶輕重如舊制發各省局依式鑄造與順治通寶錢相兼行使尋於十月將鑄成錢式進呈至是頒行天下通考

二年議收毀一釐字制錢先是順治十八年議將銷毀一釐字錢之例暫展限二年行使至是復展限期戶工二部奏定各撥銀收買每筋給直六分發錢局改鑄新錢其工部收買銀兩令暫停本年各關採辦寶源局銅卽將額銀先行解部聽候撥用通考

二十三年定以銅六鉛四配鑄制錢戶部議定凡銅筋仍由各關辦運鉛筋由部發銀交商人承辦解局配用通考

更定錢制每文重一錢令寶泉局每年開鑄四十叩管理錢法吏部左侍郎陳廷敬疏言民間所不便者莫甚於錢價昂貴定制每錢一千直銀一兩今每銀一兩僅得錢八九百文錢日少而貴者蓋因奸宄不法毀錢作銅牟利所致鼓鑄之數有限銷毀之途無窮錢安得不貴乎欲除毀錢之弊求制錢之多莫若鑄稍輕之錢毀錢爲銅既無厚利則其弊自絕總計寶泉寶源二局每年各處動稅課銀二十五萬三千兩辦解銅三百八十九萬二千三百七筋有奇內除耗銅三十五萬三百七筋有奇淨銅三百五十四萬二千筋見鑄錢四十萬四千八百串今若改每文重一錢計每年可多鑄錢十六萬一千九百二十串此利於民而亦利於國者也得旨令九卿會議尋議應如所請於寶泉局按叩增鑄其各省錢局俱照新定錢式鑄造從之通考

四十二年大學士等會議制錢輕小易於攪和改鑄每文重一錢四分通志

雍正元年頒行雍正通寶錢先是康熙六十一年十二月戶工二部以世宗憲皇帝御極定於明年改元雍

正請將寶泉寶源二局錢改鑄雍正通寶等將鑄成錢式進呈至是頒行天下通考

五年定以銅鉛各半配鑄制錢通考

十一年諭鼓鑄錢文專為便民利用銅重則滋銷燬本輕則多私鑄原宜隨時更定籌畫變通斯可以平錢價而杜賭弊順治元年每文鑄重一錢二年改鑄一錢二分十四年加至一錢四分康熙二十三年因銷燬弊多仍改重一錢嗣因私鑄競起於四十一年又仍復一錢四分之制迨後銅價逐漸加增以致工本愈重今寶泉寶源二局額鑄錢文每串需工本銀一兩四錢零歲計虧折銀約三十萬兩朕思錢重銅多徒滋銷燬且姦民不須費本便可隨時熔化陋緝殊難非若私鑄必須有力之人兼設有爐座器具易於查拿也若照順治二年之例每文鑄重一錢二分在銷燬者無利而私鑄者亦難似屬權衡得中可以行之久遠著九卿詳議具奏雍正內閣 上諭

十二年題准制錢改鑄一錢二分頒行開鑄省分照式鼓鑄會典事例

乾隆元年頒行乾隆通寶錢先是雍正十三年九月大學士等以皇上御極定於明年改元乾隆所有開鑄

錢文應用乾隆通寶請令錢法衙門行知寶泉寶源二局改鑄尋於十月戶工二部將鑄成錢式進呈至是頒

行天下各省局照式鼓鑄通考

又奏准鑄錢之法以八成至十成配為五等加銅係十成者以銅鉛各半九五者以銅五五鉛四五九成者以

銅六鉛四八五者以銅六五鉛三五八成者以銅七鉛三搭配鼓鑄會典事

五年定改鑄青錢浙布政使張若震奏言錢價之貴實由私鑄欲清其弊當絕其源訪之舊時爐匠咸云配合銅鉛加入點錫即成青錢設有銷毀但可改造樂器雖作小件民間無利可圖隨令戶部試鑄每紅銅五十觔配合白鉛四十一觔八兩黑鉛六觔八兩再加點錫二觔共爲百觔即鑄成青錢以所鑄錢復投爐內鑄成銅觔錘擊即碎不能打造器皿猶恐不肯奸民將鉛錫提出取銅獲利復用接紅銅爐座鑄試每大錢四串加火耗銀一兩有奇分得紅銅五觔八兩止值銅價銀一兩六錢較之原用工本虧折甚多經大學士九卿議定鼓鑄錢文專爲便民利用既可永杜私銷雖工本稍有加增自應酌量變通嗣後戶工二局應照式鑄造青錢與見在黃錢相兼行使并行令開局各省一體遵照改鑄通考

十年陝西巡撫陳宏謀條奏一鑄錢宜改銖兩也歷代錢文輕重本無一定而過重則防銷燬過輕則防私鑄因時救弊歷代不同查大清會典我朝順治元年開鑄每文重一錢作銀一釐背鑄一釐二字後因舊錢壅滯因而改重由一錢二分以至一錢一分五釐旋因過重又改鑄一錢四分康熙年間改鑄每文足重一錢旋因制錢易於攙合改鑄一錢四分新錢一串作銀一兩舊錢一串作銀七錢雍正年間改鑄一錢二分此本朝錢文改鑄輕重之原委惟在防銷燬兼防私鑄也今銷燬之弊甚於私鑄其官法難查亦甚於私鑄惟有將錢文銖兩斟酌變通使銷燬者無利而自止唐代之開元通寶歷來號爲輕重適中每錢十文重一兩明洪武中鑄大中錢每文亦重一錢我朝順治康熙年間皆鑄一錢重之錢文是重一錢者歷爲適中銖兩現在一錢二分一錢四分之錢既不免於銷燬臣請改照順治元年康熙年間每文鑄重一錢

并順治初年之例以一文當銀一釐每千作銀一兩而民間出入均得一文當一釐之用至爲便益至於文重一錢二分若與新鑄小錢同價則奸民勢必盡十當五當三當二當一凡五等我朝順治年間有酌定一錢四分之康熙通寶以若干文當十文與舊需用比前無虧凡有大錢者爭先而出與新錢並行歐堪善曾奏請鑄一文止重一錢部議以現在欽遵改鑄議覆在案各省未嘗不飭遵行無如小民用錢復有此議以上二條禁銅則銷燬之源可杜改鑄則知當否用敢具摺密陳

皇清奏議

二十四年開西域葉爾羌城鼓鑄局回部之葉爾羌咬銅爲之重二錢制小而厚外有輪廓中無方孔每錢五在策妄阿拉布坦時錢而鑄其名用準噶爾字背鑄回地普兒資用至是以西域蕩平回城悉定皇上從將頒發錢式仍用紅銅每文重二錢形如內地制錢較厚嘗右用回字先以預備軍營之銅開爐鑄五十萬易回

之地陸採銅加鑄通考

回部田賦若葉爾羌喀什噶爾和闐諸城皆以糧與錢並納舊以五十普兒爲一騰格每騰格直銀一兩自鑄版籍以來錢價日就平減諸城伯克等請加納普兒以次遞增乾隆二十六年定以百普兒爲一騰格凡田畝之供輸與市鄽之貿易皆以此爲準通考

五十九年定寶源局鼓鑄之法仍照舊例以銅六鉛四配鑄會典事例

六十年奉准寶泉寶源二局自嘉慶元年爲始乾隆嘉慶年號錢文各半分鑄各直省衛藏照此一律辦理其新疆等處照舊遵行會典事例

嘉慶元年奉 勅旨上年皇帝率同戶工部臣奏請各省開鑄乾隆嘉慶錢文各半分鑄業經允准今思朕臨御六十年乾隆錢文各直省流行較多著有鼓鑄省分各督撫將嘉慶年號錢文照例全行開鑄戶工二局著將乾隆錢改爲二成嘉慶錢改爲八成鼓鑄使新式錢文廣爲流通會典事例

五年諭內閣新疆各回城自乾隆二十四年平定後卽鑄造乾隆通寶錢文通行至今敬思新疆二萬餘里俱係 皇考開拓撫定之區國寶流行所當萬年敬守現在阿克蘇請領祖錢式樣所有新疆等處地方自應鼓鑄嘉慶錢以資行使至乾隆錢尤應永遠通行嗣後新疆地方鼓鑄乾隆錢二成嘉慶錢八成一體行用萬世子孫敬謹遵循勿替 聖訓

道光三十年諭內閣御史隆慶等奏請嚴禁鑄錢違式一摺寶泉局鼓鑄制錢配用銅鉛輕重向有定式自應局員隨時查驗有輕重不均者飭令回鑪不使支放之時臨期挑換茲據該御史等奏稱每月監放八旗制錢

竟有薄小易碎字樣模糊者每千摺雜數十文勢難逐串查驗而兵丁食用所關豈容任意以偷減之錢強爲支領等情因思戶部寶泉局如此工部寶源局其弊略同嗣後著兩局滿漢侍郎審察該監督廠大使等實力整頓悉遵定制毋任草率偷減如有厚薄大小輕重不符及文字模糊磨鑿不精等弊隨時查驗將鑪頭人等嚴行懲辦並將監督等官參處見在新章甫定勸懲兼施該侍郎等若止有保舉而無參劾錢法堂望有起色即懷之 聖訓

咸豐元年諭工部錢法堂奏遵將發下小錢嚴查覆奏一摺鼓鑄制錢向有定式豈容偷工減料致多攙雜此次發下小錢是否局鑄私鑄見既無憑確查姑免深究嗣後該侍郎等驗錢時挑出不合式樣小錢概令回鑪重鑄毋許仍前搭放料錢以除積弊並著嚴飭該監督等隨時稽察有犯必懲如有扶同諱飾經該侍郎等查出除將舞弊之鑪頭工匠交刑部治罪外並將該監督嚴參懲處其每日解交部庫錢文著陝西道御史認真抽查如有攙雜小錢將該侍郎等一併參處毋稍徇隱至戶局事同一律亦著該部侍郎等飭令監督嚴加釐剔並著稽查之御史一體抽查務各實力整頓以肅國法而清弊端 聖訓

五年諭易棠奏酌擬變通制錢分兩一摺甘肅省銅價甚貴且須兼鑄大錢若制錢分兩仍按每文重一錢二分鼓鑄非獨工料過重亦易欺奸民私銷改鑄之弊所有該省寶源局鼓鑄制錢分兩著照易棠所請酌量變通每錢一文減爲八分每千以重五斤爲率仍著督飭局員認真經理務期制作精良俾輪廓字畫分明不至有漏風缺邊等弊以重國法而便行用將此諭令知之東華續錄

福建巡撫呂佺孫奏閩省錢局鼓鑄之銀幣議改鑄銀錢以充民用下部知之東華續錄

御史宗程辰奏臣聞善爲政者視俗而施教必合衆人之所欲而後立法可以必行必量天下之所宜而後行法可以無阻利多而害少者法雖敝而可修利少而害多者法屢更而難恃以今日之時政論之求利於國而不便於民其失計無有甚於錢法者也自道光年間鑄銀少而思勝之以錢始有鑄大錢之議 皇上御極初言者益多於是鑄爲數等大錢原期錢勝而銀弱以大錢輔蓄有之錢不可勝用也銅不足鑄之以錫尋糲之以鉛錫而錢更不可勝用也詎知大錢出而舊錢稀鐵錢出而銅錢隱當百當五十等既存爲無用而銅運又不通卽當十大錢亦難責其多鑄外省錢局率以辦銅棘手潛多銷化舊錢爲之大抵舊錢四五足以成當十之一枚鑄者獲利過本而公家行用仍強民所難名爲當十實多受六折八折之虧損江南淮上比比如此民間患苦而吞聲者多矣京中市肆遵法勉用當十當五錢而一出京門竟不能用其官局與官號所發給流轉者仍在鈔票而大錢特爲標識之具民用亦僅供零星購物而大錢之爲用究屬無多其換銀遠去者求得一色制錢每千折加三四是大錢雖暗損乎制錢而制錢之尊自若也大錢無少益乎制錢而銀價之昂更自若也公家倚重官號有銀則增其鈔本少銀則賴爲餉資運實於虛可暫權而惡難經久外省銀錢絕無凌駕故公私錢券皆所罕行司農以爲法良非臣所敢妄議以臣之愚計之銀少而代以楮不若更代以制錢而大錢雖恢廓既不若制錢之尊信於民則強民用之上下交累亦覺甚拙制錢幸未爲毒手所盡銷不乘此時隆其聲價則久將淪爲無有而私鑄鉛沙薄板日充斥於宇宙之間所謂圖法者安在顧欲降其聲價將奈何竊思制錢之始本爲代銀而設故習俗流傳稱爲一盤然我 聖朝二百餘年錢樣始大而後小始精而後嚴若槩作爲一盤輕重尙無區別擬從咸豐六年爲始以順治康熙之青

銅鈔照廣西及湖南衛承等府行用桂字錢之例以一文當兩文即抵銀一釐五毫嘉慶道光與現今所鑄和鉛較多抵銀一釐以上皆定其稱曰祖錢凡有此錢輪廓無缺皆作銀用上行則完糧報捐下行則給俸發餉皆謂無銀者立變為所在皆銀則銷化祖錢之事不禁而知其必無極高銀價之弊不禁而知其必平至於大錢已行亦須安頓得法方為兩全擬將所謂當十者皆令當十文古銅錢新鑄錢之用以後銅已貴重收銅之令可以加嚴鑄大錢純用鐵而不用銅常用鐵制錢亦不必更鑄鉛錫舊存不用之大錢無論在官在民皆可收買銷鑄改為二三等祖錢而不至於朽廢銀數充擴則度支從寬而錢法自清 國用自可漸裕至解鑄制錢一節現在工本過多倘為失算何以言之臣聞山西平定州產鐵之處每斤僅需大文因奉文採辦層層需索驟長至四十文彼地煤炭糧食俱賤不如移局就地開鑪仍以公正大員鎮靜彈壓鑄成後陸續解京則工本大可減省他省產鐵之所與西川煤溝間產鐵者仿而為之神益孔多若雜項小錢姑准折三文抵鐵錢一文則私造者亦將無利而自止正不在嚴刑峻法以防之也古云利不百不變法前者以當五十以上大錢不便於民即蒙 皇上虛懷延納立為停止特未深知當十大錢之用行於南北者竇未周也不便於民而反累民即官亦受其累也有尊祖錢之法以勝之而銀不能過昂大錢不必虛折私小之錢不必禁燬一舉行而三弊去百物通萬民悅在大農及司計諸曹當亦不堅執前章而樂為更竝以贊成此舉惟仰冀 聖主持乾斷集廷議布德音定約法而已臣愚昧之見是否有當萬一伏乞 訓示施行無世文續編

同治六年諭軍機大臣等戶部奏請飭填臨江海各省解錢鑄銅一摺前因銅斤缺乏鼓鑄當十大錢原為一

時權宜之計行之日久不無流弊近來市廛行使暗中折減於國用民生均有未便惟欲規復圖法必須籌備制錢京師自通行大錢以來所有制錢大都運往外省若欲鼓鑄新錢又非一二年所能驟復戶部議令瀕臨江海各省籌解制錢實爲便捷之法前經譚廷襄函商湖北督撫擬於鹽釐項下酌提制錢由輪船運津據稱事屬可行此外如江西江蘇浙江廣東四省均有海船可通各該省釐金較旺自可一律提解著會國藩郭柏蔭英桂馬新貽瑞麟蔣益澧李瀚章何璟劉坤一各於鹽卡釐卡收款內每年酌提制錢三十萬串由輪船裝運天津交崇厚擇地嚴密收存聽候提用酌提錢文准照銀價劃抵應解京餉其制錢一千合銀若干及運腳若干卽著各該督撫迅速議定具奏所提之錢務須年清年款以兩年爲止不准稍有短解此項錢文卽名爲天津練餉以昭慎重不可稍有宣露致令外來商民傳播都城有礙錢法是爲至要其湖北施宜等處向多銅礦著該督撫飭屬招商試辦酌抽礦稅試行有效卽籌款收買商銅以裕鼓鑄並著妥議章程具奏至瀕海商賈向有販運紅銅條銅等項應如何招商收買之處並著各該督撫三口通商大臣妥速議奏將此諭會國藩英桂瑞麟李瀚章馬新貽郭柏蔭劉坤一蔣益澧崇厚並傳諭何璟知之東華續錄 互見採辦類

鍾大焜擬請變法鑄錢議 同治四年左爵相 奏請製造輪船云輪機成後兼可鑄錢夫鑄錢之欲藉輪機者冀可免虧本也乃 國初部定銅價銀錢價章程尙留錢息地步蓋當初採辦滇銅每銅百斤只給民價之半故尙不至虧折以後則橫漸加增由八九兩至十三四兩浸至難敷工本故近來各省均行停鑄而奸民又以毀錢私鑄爲業致小錢充盈錢法敝壞查各省每百文小錢有多至七八十文者且汕頭潮州各處有全用小錢天津上海既用短陌之錢尙不免攪和小錢福建全省則自二三十文至七

八十文不等求有純用大錢蓋亦罕矣推原其故實因錢質太重即毀錢以鑄錢漏卮所在雖禁令有時而窮彼毀為銅器尤其小者也邇來新鑄制錢每文重一錢每千六斤四兩又查定例鼓鑄錢文銅鉛各半每銅鉛百斤加入點銅三斤其質柔脆不能打造銅器皿立法已極美善無如私鑄仍不能禁小錢仍復肆行即京都行用大錢而私鑄仍不能免苟非權衡盡善斟酌得中即勉強鑄款鼓鑄而虧折太甚鑄亦無多且一鑄而百毀百鑄而千毀以有制之財源填無窮之窟壑仍恐制錢日減小錢日增而錢法何以經久無弊今試上觀往古與我朝開國之初揆之當今時勢合京師各直省各碼頭銀價銅價一切科合似須於漢之五銖唐之開通元寶洋人之香港一文三者之間量度取中鑄庫平八分之錢方可以塞私鑄私毀之源而錢法乃宜古而宜今有利而無弊竊為我憲台臚陳之以備采擇焉考古今之論錢法者以漢之五銖及唐之開通元寶為得中開通重一錢綱目稱每錢重二銖四釐積十錢重一兩今存之五銖則重不過五六分七八分而已按說文十釐為銖二十四銖為兩據此則五銖將及二錢又按文獻通考宋文帝元嘉中鑄四銖錢輪廓形製與五銖同費損無利故民不盜鑄蓋每朝分兩輕重不同當以現存者為斷今錢重一錢準開通也惟史稱秦二世民齊王元吉賜三爐裴寂賜一爐聽鑄錢盜鑄者身死家沒夫以設爐為恩賞則鑄錢不虧本可知乃今制鑄重一錢不免虧本則一錢分兩似尚不可泥若鑄八分輕於開通而重於五銖究之五銖雖輕而銅甚精今以鉛和之重踰五銖其實亦五銖也是考之於古其可行者一也本朝曾鑄康熙小制錢今所名為京墩者也其重自八分至一錢而止本以二文作一文之用今天津謂京錢二百實只制錢一百猶其遺意也今則此錢散行各省能揀一千文

京墩且可賣制錢一千二百文因銅質太好利於毀鑄銅器也若照以後定例銅鑄各半鼓鑄其重只及八分則銷毀無利此弊自除此撥之於 國初已有八分之製其可行者二也順治康熙雍正乾隆年間定例每錢一千當銀一兩其時每錢一文重一錢及一錢二分一錢四分不等乾隆十年特用一錢二分之錢陝西巡撫陳宏謀以錢質過重舊錢銷毀無存奏請照順治元年及康熙年間每文鑄重一錢並照順治初年之例以一文當銀一釐按此則以銅百兩當銀一兩若鑄八分之錢照現今各直省銀價每兩值錢一千五六百文算倘以一百二十餘兩之銅准銀一兩較之順治康熙雍正乾隆年間銀價錢價每兩銀尚多換銅二十餘兩此準之 國初以至中葉其可行者三也查近年京城市上通用之錢不免攪和私鑄銀貴時每兩約換京票十五六千文則錢較小銀賤時每兩若換京票十一二千文則錢較大小者每文約重一錢二三分大者約重一錢六七分七八分計銀一兩亦只換銅一百零數兩查前年京師整頓錢法緝獲私鑄治罪一律行用官板大錢近有人攜帶回閩其輪廓形製為二十年來都中所罕觀者乃取五錢秤之共重八錢八分每錢方重一錢七分六釐姑作一錢八分算計百錢方重十八兩且尙有扣串未除現都中銀價約十二千文每兩銀方換錢一百零八兩若改鑄八分之小制錢每兩銀尙多換銅二十兩此準之京城銀價錢價其可行者四也現福州通行大錢無小錢攪和若每千重八十五兩每文批重八分五釐然此錢已珍為拱璧不可多得矣至市上通用之錢每千約有二百三十小錢在內其分兩之輕劣何待計就目前而論每文重一錢四分之錢已萬不得已極重者至一錢二分而止極輕者至一分而止自五六分以上民間已通謂之大錢不敢挑剔蓋鑄錢弊實甚多雖係官鑄而局私仍難

憲禁局私者鑄錢局吏役就局私鑄厚與制錢相等惟較小耳此種之錢謂之大錢不能謂之小錢亦不可市上交易以大者居中小者居兩頭謂之橄欖錢並不敢指爲小錢也各省通行之錢能均係一錢二分者每千方重一百二十兩能如當今定制純重一錢者每千方重一百兩若有局私在內及五六分七八分之錢雖並無一文小錢其重當與福州之大制錢相若惟天津上海之錢則純用乾隆白銅者每一錢多係重一錢二分但市上多用短陌錢亦間有小錢在內是名用大錢而實則與小錢無異矣若鑄八分之錢較現今各省並無小錢攪和之大錢每千只少銅五兩而已倘有小錢在內則分量便相去懸絕矣此揆之當今各省通行之大錢其可行者五也查廣東香港錢法與外洋無異每錢一文只重二三分積十錢二十錢則用當十及當二十銅小番錢再上則用銀角番銀半番由銀番錢而上則用金番錢其銀番錢一元亦只換錢一千零數十文與內地相仿子母相權端自一文錢爲始其錢之大小輕重則視金價銀價銅價及鑄錢工本統爲科合必使毫無贏絀外洋金價銀價無甚長落故自一文錢而至金錢雖遞爲增加亦不滋流弊又用機器鼓鑄銅少而工精用機器而工精則奸民無力私鑄銅少則不私毀兼此三者故較之內地錢幣尙爲得法若鑄八分之錢雖較之外洋爲重然不用機器則工不及其精和入白鉛則銅不及其美以和鉛省工之利積爲分兩之重但與當今之銀價銅價相準則與外洋二三分之錢亦無以異矣此以外洋之錢法銀價比較其可行者六也鑄錢定法原應科合工本統算鑄一文只值一文故無私毀私鑄之弊今各省銀價多在一千五六百文之則較之 國初每兩只至四五百文此無可如何者也欲恃虧本鑄錢一法挽回天下之銀價使比照 國初鑄之銜石填海勢必不能惟有因

時制官鑄出之錢與現今之銀價相準方無流弊本年八月香港中外新報載日本紅銅每百斤二十
一元白鉛每百斤五元六角查每担鉛銅保險不過二三錢銀而已又查鑄錢銅鉛入爐鎔化每百斤例
准折耗九斤若照定例銅鉛各半既鑄輕錢即可不加點銅每百斤銅鉛除折耗外實得淨銅九十一斤
鑄錢十八千二百文若再仿照私鑄之法略幫船政輪機以資磨鑄當不致再有虧折此合之當今銀價
銅價鉛價其可行者七也銅鋪私毀專采紅銅青銅黃銅之錢若銅鉛各半帶白之錢毀之得利較少故
現今上海天津各處大碼頭皆用此種制錢乃合天下奸民私毀餘剩之錢也前數年福州到上海買錢
數十萬串皆係此種制錢乃錢質太重曾不數月亦爲人盤支銷毀淨盡若用此等銅質只鑄八分則銷
毀當不禁自除此足以絕私毀之源其可行者八也古之論錢法者有不愛工不惜銅一語蓋恐私鑄也
但此只防買銅私鑄未曾防毀錢私鑄不知民間買銅較難不能俯拾即是即廢銅亦屬無多必待買銅
鑄錢誠爲有限所可慮者即毀錢以鑄錢耳若銅質佳而分兩重乃所以速其私鑄也溯自 國初以至
今日所鑄之錢誠皆不愛工不惜銅然小錢亦未能禁不行用不私鑄也蓋鑄輕錢患但在於私鑄尙有
禁止買銅之法在鑄重錢患在私鑄而兼私毀即毀錢而鑄錢隨地可行直無法可禁矣兩害相並擇其
輕者何嘗非爲政之道也且鼓鑄不虧本則制錢必多譬之人身正氣足則邪氣自消彼小錢何能出而
爲敵哉此又足以塞私鑄之源其可行者九也或謂今鑄輕錢矣則昔之重錢勢將盡毀奈何不知鑄輕
錢而毀不鑄輕錢亦豈且鑄輕錢而毀在舊錢鑄重錢將合新舊而並毀則何如鑄輕錢尙得保新錢之
不毀乎又或謂今因銀價較貴故鑄輕錢以隨銀價若以後因鑄錢太輕銀價更貴則私鑄之錢勢必愈

輕奈何不知現時銀價算至一千五六百文者指大錢價言但使鑄出之錢與現時通用之大錢分兩相若則換銀價值自必與現時之大錢相準便為有利無弊彼有小錢之銀價雖貴於大錢價無非大錢缺乏故私鑄得以乘機網利耳若大錢充足小錢勢難行用以理勢論銀價只有賤不至貴也則何如改鑄錢尙得保銀價之不貲乎或又謂鑄錢理宜虧本若不虧本便可得息將以啟奸商仿鑄奈何不知奸民私鑄何必待官局開鑄方行仿鑄彼蓋無時無日不可私鑄者也亦不必仿照輕重積漸遞減而始用其私鑄也若於未鑄錢之先不慮私鑄之害既鑄錢之後轉深私鑄之憂果何說乎第就當今之船政論必添置輪機仿照西法鼓鑄誠恐力有未逮計莫如仿照私鑄之法較為簡便快捷若即查訪私鑄小錢之人收羅入局飭為匠首並可化莠為良養活貧民不少或提從前緝獲私鑄之囚徒寬其既往予以自新並可藉得其法至於輪廓肉好亦宜稍為更變肉須稍窄照開通元寶形式好須稍大照五銖微小其文字及肉須雕刻稍深則質地便厚不至破損更改舊式必須具章入告請旨飭下各省議覆如各直省銀價賤不同科合銅本分兩不能盡一可否請就合宜省分先行試鑄如無流弊或照國初某省置某省行用之錢並照京師專用大錢之例當無不可也是否有當敬請采擇施行經世文續編

光緒十四年兩廣總督張之洞奏竊惟粵省制錢自咸豐七年以後三十年來未嘗開鑄官錢日乏商民病之臣比年以來久欲整頓圖法惟舊例辦法虧耗過多限於物力未能舉辦上年與廣東布政使高崇基詳籌熟商博采眾議惟用機器製造則錢精而費不鉅當經電致出使英德各國大臣考究機器價值及鑄造之法暨接使英大臣劉瑞芬函電喜敦廠機器全副每日工作十點鐘能鑄造銅錢二百七十萬個並寄來書

數廠機器價目廠屋圖式計上等機器全副內參大號造銀元機器四架另鐫刻銅錢文母模一副子模十副鑄造銀元母模四副子模八副製造鋼模所用之鋼料隨時購辦合計機器鋼模外加運脚保險以磅價折合約需銀二十五萬餘兩建造廠屋占地縱橫六十丈地面須布鐵板墊洋泥除地基外工料約需銀五萬餘兩粵省城內民戶稠密地基過昂約需銀數萬兩不得以爲常例此外常年所需鎔銅鎔銀洋製泥磚每月約需銀二千六百兩鑄銅鑄銀鋼模鋼料每月約需銀一千零八十兩鍋爐烘銅片所用上煤枯煤粟炭每月約需銀三千兩洋匠四名薪工每月約需銀八百六十兩匠夫三百餘名以及員役薪工挑運雜費每月約需銀二千四百兩綜計一切每年約需銀十二萬兩原議機器一年半造成三批運送首批七箇月到每日可造銅錢四十萬箇次批又五箇月到每日可添造銅錢五十萬箇并銀元十萬圓三批又六個月到齊每日可共造銅錢二百六十萬個銀元十萬圓總計仍符每日鑄錢二百七十萬個之數每月可造銅錢七萬八千緡銀元三百萬圓通年約停工三十日除搭鑄銀元數百萬圓外約得銅錢九十萬緡香銅鉛配合之劑銅質若少即不能受機器軋力應以紫銅六成白鉛四成爲率考錢法輕重歷代多以唐初之開通元寶爲準其制重今庫平一錢蓋古之稱物皆以銖兩計後世十錢爲兩之名即由開通錢而得宋太宗時太平通寶真宗時咸平元寶景德元寶重皆如之我朝順治十年以前所鑄即重一錢康熙十九年聖祖仁皇帝諭令一文重一錢誠以輕重適中名寶相稱此制最爲經久今擬即鑄此式每一文重庫平一錢並擬於錢文背面上下鑄庫平一錢四字以杜私鑄合計每千重庫平六斤四兩粵省錢價一千五百文值銀一兩今暫以香港上等洋銅洋鉛時價核計銅鉛價本暨物料工費火耗與鑄成所值銀數大率相等

不致虧折機器所成輪廓光潔字體精好私鑄斷難相混鑄成後或發商易銀或購買官物或搭放餉項按
照市價臨時酌量務順羣情不限定搭放成數亦不預定折合銀數以免軍民受累竊惟上古鑄幣本意開
山澤之鑛鑄通行之貨固以利民卽以富國今以外洋銅鉛充鑄祇屬一時權宜緣洋船銅鉛煉精耗少易
受模範港去粵近價值亦平滇銅黔鉛所產至富而提煉未淨價脚過昂目前難資應用查西南諸省多產
五金此乃天地儲此無盡之藏以供 國家邊防之用今日爲西南邊計莫如大興鑛務就近鼓鑄一端
然非下手試辦參考羸虧并變通采煉鼓鑄轉運之法其事必不能舉天下事每懼於勞費而創始故巨願
以粵省創之茲擬并用內地銅鉛搭鑄並行其式樣配料輕重一切相同用以較其精粗核其息耗粵省一
面試辦一面與雲貴督撫臣耆核銅鉛價脚由兩省自行講求開采鑄煉之法如半年以後核計粵鑄無虧
則滇黔就近開鑄節省必多查貴州威甯州一帶爲產鉛之所亦兼出銅黔省近年卽於該州設局鼓鑄以
取利便惟山路阻遠機器難至者黔鉛運道尙由威甯陸運十站至永甯縣水運三站至四川瀘州委員於
此設局轉運滇銅產雲南東川府與威甯鄰境滇銅運道亦由威甯東下瀘州亦於瀘州設局轉運是四川
瀘州宜爲滇黔銅鉛會集之所而去該兩省又甚近瀘州瀘江富庶商賈輻輳爲川南縮藪之區若由川滇
黔三省合力集資購置機器二副溯江至瀘建一大廠滇銅黔鉛并四川本省之銅俱就此局鑄造三省自
行籌商酌劑每年各鑄錢若干繕計兩副機器歲可出錢一百八十萬緡浮江而下達於沿海上供 神京
旁濟吳楚制錢暢通而滇黔已受無窮之益矣如此則鑛商鼓舞開采日蕃價值漸減鎔煉漸精卽專用內
地銅鉛鼓鑄不至虧折廣東及他省所需更無須取給外洋庶爲經久之道行之大效并可於漢口設機鑄

造以期四達旁流以京師及各直省之銀易川滇黔三省之錢自相灌輸大利仍在中國似於京外民用邊
鑄邊民均有裨益但目前鑄兼用中外銅鉛虧折過鉅力有不支惟有搭鑄銀元或有餘息藉資彌補庶
免以虧耗牽掣致阻圖法其試鑄銀元辦法另片詳陳至此項購器造廠之費需銀三十餘萬兩粵省庫款
支絀無可撥動現經與弛禁商人酌議令其代向富商挪借此數應用將來陸續由外籌還不動正款俟機
器到粵兩鑄三個月後當將各項工費商民行用確實情形詳晰奏聞據該藩司高崇基具詳前來除現已
電致出使大臣劉瑞芬立約購運飭縣委員購地建廠外理合恭摺奏陳伏祈 聖鑒訓示 謹奏 官保啟

直隸總督李鴻章奏竊臣於光緒十三年正月欽奉 懿旨規復制錢著生購機器一分就天津機器局趕
鑄鼓鑄備用等因欽此遵飭機器局員前福建藩司沈保靖等定購英國格林活鐵廠造錢機器於本年開
河後運到天津業將籌辦情形及價腳等項於上年四月本年三月兩次奏報並聲明西洋機器造法與中
國模鑄不同其自鎔銅捲片以至成胚鑿孔印字光胚揆次相連非多建廠座不敷分設事體極為繁重工
本恐多虧折應俟開鑄後核明實需銅鉛各項工本若干再行專案奏辦等因均蒙 聖鑒在案臣督飭沈
保靖等於機器運到後即置設局內按照尺寸修築廠房添配石座並造鍋爐輪軸車牀各項除零星工程
及烤銅爐捲銅滾軸須隨時添修外其餘均已就緒當於秋初開輪試鑄查閱造成制錢字畫輪廓均尚清
楚惟機器時有損壞極費工力緣西洋造錢係屬平面中無方孔壓成較易今以西洋機器造中國錢式須
另添打眼挺桿由錢模正中穿透始能撞出錢孔地位狹窄撞力過大挺桿上下與錢模互相磨觸最易傷
損每日每座機器模撞修換數次及十餘次不等人工既費成數亦少又土鑄係用生銅鎔灌工料簡易僅

用銅五成四鉛四成大機器則須銅七成方受壓力鉛只三成且必先化成六分厚銅板再用捲銅片機器
捲十數次使其質性純熟減至不及半分厚之銅片始能壓造成錢其銅片成錢者只六成下餘四成廢
邊又須加費捲捲再造僅捲銅片一項工料每造錢千文應合銀四錢一分零加以他項工料爲費甚夥原
訂此分機器日長時每日成錢二百四十串今因機器時須修理約計每日成錢二百串臣與沈保靖等逐
款攷節科算雖銅鉛市價現在增昂日後冀可稍減而捲銅等項工料實難過省每年成錢七萬二千串共
需工料銀十萬七千四百餘兩按制錢一千五百文合銀一兩每造制錢一千約需工本制錢二千二百三
十七文七釐虧折未免過鉅直隸貧瘠素著並無閒款可籌非比廣東另有捐項彌補卽須全數作正開支
計每年機器造成之錢直銀不足五萬兩而工本則需十萬七千餘兩賠貼銀至五六萬兩之多值此庫儲
極絀必應通盤籌算可省則省現用土法鼓鑄計每鑄制錢一千文不過賠貼三百文左右較機器省至數
倍其錢樣亦頗光潔似不如專就土法以節糜費夫西洋機器專以製造金銀錢內可夾用銅鉛質料既省
工力易速價值較昂故甚合算中國以改鑄制錢每錢一文所值幾何而爲費太鉅應懇 恩暫行停辦前
項已購機器仍可留局設法改作別用除將機器造成錢樣及土鑄錢樣咨送戶部查核外理合開具機器
試造各項工本細數清單恭呈 御覽李文忠奏稿

乾隆四十五年諭伊犁鼓鑄清錢回部則沿用普爾原以順俗從宜各因其便如果葉爾羌喀什噶爾二城庫貯普爾積一時難以疏通何妨暫行停鑄將年獲銅斤解送伊犁俾該處多鑄以期流通乃申保轉欲使伊犁等處亦從回俗改用普爾無論一以當十多寡懸殊兵民未便且亦不成事體申保於此事並未通盤籌畫而徒張皇其詞以圖見長殊屬非是申保著傳旨申飭

聖訓

道光二十四年諭軍機大臣等前因回疆所用當五當十錢文行使便利降旨令富呢揚阿等體察陝西甘肅情形仿照鑄行茲據該督奏稱普爾錢一項惟南路八城通行北至吐魯番東至哈密即不能行其吐魯番所產棉花亦不能以普爾錢收買民間不能施行在官即難搭放等語回疆普爾錢文藉可疏通圖法惟欲自外而內必須漸推漸近著布彥泰達洪阿體察南北兩路各城情形能否一律行使確加訪覈據實具奏等因普爾錢係淨紅銅鑄造做鑄反增工費其帶至東北各城每個止作一文之用不能當五當十批候旨行

聖訓

陝西巡撫李星沅奏竊臣承准軍機大臣字寄道光二十四年正月初九日奉 上諭回疆所用當五當十普爾錢文行使多年頗稱便利因思陝西甘肅二省相距非遠地方情形大略相同當可仿照鑄行疏通圖法著富呢揚阿李星沅體察情形妥議章程具奏總期利用便民流通無滯毋以事屬創始稍存畏難之見率以格礙難行一奏了事將此各諭令知之欽此遵即恭錄移咨督臣富呢揚阿函商定議一面督飭司道

先就陝西情形詳加體察經臣附片奏明在案伏查回疆南八城自乾隆年間在阿克蘇地方開採銅筋設局鼓鑄錢文搭放兵餉始定以一當五之制其先本無民戶亦無內地制錢也道光八年復增鑄當十錢按銀一兩折錢一百十又至今與當五錢相同行用惟至喀喇沙爾津界之吐魯番而止自吐魯番以及哈密烏魯木齊巴里坤古城伊犁等處皆遵內地錢法向不用普爾錢伊犁間有紅錢亦係該夷另式與普爾錢不類計陝西省城距不行普爾錢之吐魯番五千四百六十餘里距行使普爾錢之喀喇沙爾六千一百七十餘里地方既不相近情形即不相同錢法守之官吏而行之市應陝省懋遷有無貨販四達如甘省新疆各路照來往實繁有徒概以制錢交易絕無輕重攙雜有自回疆攜歸普爾錢者或遂傳爲珍異蓋商民所不習見也今若以不習見之錢遽令陝省試行而回疆較近之區未先行使則疏銷易窒而推廣易窮商民徯於故常其信從必不堅其流轉必不速雖臆切開導明立章程究恐陽奉陰違終無實濟再四籌畫創始良難茲據甘肅議以先將去路能否疏通詳加考訂誠使由外而內不難由隴而關庶幾一氣呵成事無格礙業經督臣奏請 飭下新疆各城將軍都統參贊大臣等一律體察如果口外均能行使則口內亦可議行甘省向無錢局自應由寶陝局定額鼓鑄臣現將鑄錢式樣工本多寡斂散機宜督同司道從容悉心酌核以期勉副 聖主利用便民之至意所有遵 旨體察情形理合據實覆奏伏乞 皇上聖鑒訓示經

世文續編

王慶雲擬鑄大錢說帖今日之銀少矣非獨銀少錢亦少也 國家歲歲鑄錢積至於今日宜乎山不能藏海不能納矣然使一月停爐則局支立匱况廠嗣之告疲銅運之不繼其勢岌岌迫不及待此猶可蹈

常獎故而不思變計哉今欲不添銅不加卯使局錢變少爲多莫若酌提卯銅配鑄本直相當之大錢爲
易行而無弊自銀價昂貴今之制錢蓋工本二而鑄錢一局中鑄一串之錢卽糜一串之帑歲常以數十
萬金置之無用之地此何爲者誠使以制錢五文工本鑄當五大錢以十文工本鑄當十大錢是一而鑄
一也雖制錢民間行用固不可廢要不妨與大錢配鑄配行局中減鑄制錢一串明省一串之虧折此人
所共知至配鑄大錢一串隱留一串之盈餘人或未必知卽知之又慮其不能行是在當事者實力講求
所以行之之術而已凡作事謀始未計其利先防其弊前此議加鑄者必曰收銅收之不至則議禁銅而
銅卒不可禁其請鑄大錢者又欲以數兩之幣當百當十名實乖違公私欺罔利未一而弊已百今但減
制錢鑄大錢銅斤取諸卯額經費不必別籌也一枚工本與一枚價直相當私鑄無利又不禁自止矣且
價與工本相當昔之糜費一倍者固已節省其半矣從來貨幣之所以不行每由上專其利而下不能流
通如前明造鈔而禁民用金銀究之鈔日以輕金銀日以重無他上之所行非其所令也今欲兼行大錢
不患不能搭放而患不能搭收官不收而使民用之其廢格不行可立而待故其始必收放相權立爲規
制及乎鑄漸多用亦漸廣利權操於上而民用便於下異日之大錢卽今日之制錢流布轉移有不必遽
期其效者惟是鑄造之法必精收放之令必信設誠致行存乎其人今謹條四事一曰錢制以今日鑄制
錢之工與料鑄大錢則不如其不鑄何也其鑄不利用其脆不久存也故大錢必選高銅或加煎煉勿雜
黑鉛砂錫十分其劑以康熙二十三年所定銅六鉛四爲準或近年銅色不高則照 國初以銅七鉛三
配鑄並見通考其色其質務於順治康熙一錢四分重之錢相等至於銅價鉛價工料局費四項通謂之

錢本凡當五當十必計錢本與錢直名實相副不妨多費分彙斷不可吝惜鑄錢以生奸僞考前明洪武時鑄當十至當一錢五種今略仿其法而不用當三當二者從簡便也輪廓勿太寬以免剪邊之弊一曰錢工銅質雖淨鑄治不精示人以樸則易於僞爲而行之不遠案康熙間鑄造黃錢其工有八曰看火翻砂刷灰雜作剉邊滾邊磨錢洗眼治之各以其序而務極其精自改鑄青錢漸至鑄雜惜工省費日就苟且今以鑄制錢五文之工食鑄治當五者一文可期磨洗勻淨積至當十工費加多枚數加少自能精益求精至於爐匠工作侵盜固所宜禁竊率亦所必懲工食務足贍其身家不使刻扣絲毫致釀然有疾視之意庶圖法日久而常新一曰搭放凡大錢用抵制錢與銀搭放則可徑以大錢抵銀搭放則不可蓋銀價長落無常錢質一成不易也今部庫搭放以制錢一千準銀一兩宜仍其舊惟先就制錢中配放大錢二成如搭放一串以制錢八百當十大錢二十或制錢八百當五大錢四十量配放之數爲配鑄之數或分爐或分卯必度其宜大抵配放之始宜少不宜多少則易散亦易斂斂散易則流通疾流通疾則錢見重錢見重則存於民者必多而官無朽貫之慮疾爲斂之正所以廣爲散之此善取不奪之道也一曰搭收或由鹽課或由關稅此當俟諸兵日而必自戶部常捐及雜項倡之然後法立而人不疑凡搭放亦以二成爲準不足乃以銀民知官之樂爲收也必爭儲以待用其事猶有不行者乎至於變通不倦鼓舞盡神則必使上與下公其利欲公其利莫若以當五之三百六十文與當十之一百八十文直制錢一千八百即許準銀一兩交納或曰今銀價每兩二千如是則便於民不便於官然自官計之常時銀一兩鑄錢一串又以錢一串抵銀一兩名爲搭放實無盈餘今以銀一兩鑄大錢其直兩串準直搭放是一兩之解

獲二兩之用也卽以一千八百搭放一串之外尙有八百之餘也何必取盈於二千之數哉且使民間得大錢常有什一之利商賈通行民用便利以視制錢必有倍加寶貴者小利在民卽大利在國慎勿藉口於難行哉或曰如前所謂搭放之數既取諸按卯之配鑄而足矣若使源源搭收大錢不難於官乎然此爲民間不行用言之耳民之所棄而官收之其難固宜誠使鑄爲大錢質既厚重工復精純領之官而有什一之利納之官而無折閱之慮不蠹不腐可藏可沽種輕齋倍蓰之便免短陌擬和之患其爲流通利用無可疑者夫一室儲錢百則萬家有百萬之藏京師百萬戶可使萬萬大錢流通於下若乃物則質雜而工難法則朝行而夕改小有通塞不讓停放輒議停收出納不平措克貽誤一朝沮格歸咎於立法之人平心論之此人不行法之過邪抑法不可行之過邪再考 本朝錢法順治初每文重一錢七文準銀一分後更鑄重一錢二分以新錢七文準銀一分舊錢十四文準銀一分是新錢一當二也十年行一盤錢十文準銀一分十四年更鑄重一錢四分新錢一亦當舊錢二康熙二十三年復爲一錢四十年仍爲一錢四分舊錢十當新錢七輕重相權實 國家之故事而非創自今日至於收納職掌之所官役勸懲之法而審文字之式在當事者討論故實熟思審計取自 上裁非下走之所敢議也戊申十一月江朔雲給諫上請鑄大錢疏竊意其法可行惟所請徑以大錢抵銀搭放爲思之未熟事下樞府友人屬爲說帖因兼取汪衡甫京兆以二千搭放以一千八百搭收之議率成四條會事寢未上其年十二月五城禁市肆私錢短陌不數日銀價每兩由二千驟減至一千四百文時民間方倚錢度歲典物者質庫不肯納一時譁然卒弛禁而銀復昂然則今日錢價之賤由局錢不精奸僞濶雜是篇所言銀少錢亦少者

皇朝政典類纂 卷五十九

非意之也石渠餘紀

咸豐二年四川學政何紹基奏請鑄用大錢以復古救時並禁止民用銅器得旨所奏不為無見然小錢大錢制雖異用實同見鑄小錢銅尙不足何況大錢乎汝知一未知二也至器用多銅原干例禁本年曾經降旨況古制亦非盡善舉一事必欲復古試問井田封建尙可復乎此摺著戶部存記若有可行時不妨採擇入奏

三年諭內閣王懿德奏請添設鑪座兼鑄大錢一摺見在京師戶工兩局添鑄當十大錢與制錢搭放行用甚為便利業據戶部奏明通行各直省照式增鑄大錢酌擬章程試辦茲據王懿德奏請於福建寶福局添設兩鑪試鑄當十當五十當百大錢其原設鑪座仍按卯鼓鑄制錢與大錢相輔而行並將大錢式樣進呈著即照所議辦理其銅斤分數如何配製各省收放款項如何通行利用之處著戶部妥議章程具奏

又諭內閣前因巡防王大臣等奏請推廣鑄造大錢當交戶部議奏茲據該部查照王大臣等所議當千大錢以重二兩為率以次酌量遞減期於輕重相權便民利用著即照部議所有當千當五百大錢均用淨銅鑄造務使磨鑪精工色澤光潤當百當五十當十大錢亦須配鑄精良一律完整與制錢相輔而行俾民間咸知費貴便於行用儻製造稍有粗率偷減著錢法堂侍郎即將鑪匠人等嚴行究辦該管監督大使各官一併嚴參並著該部通行各直省督撫均照此次所定分兩一體鑄造以歸畫一其民間應納稅課錢文等項均照部議准以大錢交納其應交銀者並准其按照制錢兩串折銀一兩之數抵交總期上下相信出入均平如有私鑄及奸商居奇阻撓者均按例治以應得之罪